

Na osnovu čl. 2 i 10 Zakona o Udruženjima i fondacijama Brčko distrikta (Službeni glasnik Brčko distrikta BiH, broj 12/02) i čl. 29 i 30 Zakona o mladima Brčko distrikta BiH (Službeni glasnik Brčko distrikta BiH, broj 18/17), Osnivačka Skupština Udruženja "Vijeće/Savjet mladih Brčko distrikta BiH" na sjednici održanoj u Brčkom, 19.09.2018. godine, donosi

S T A T U T

Udruženja "Vijeće/Savjet mladih Brčko distrikta BiH"

I. OSNOVNE ODREDBE

Član 1.

Ovim statutom uređuje se:

- 1) naziv i sjedište udruženja;
- 2) ciljevi i djelatnost udruženja;
- 3) zastupanje i predstavljanje udruženja;
- 4) organi udruženja, njihove ovlasti, način imenovanja i opoziva, trajanje mandata, kvorum i pravila glasanja;
- 5) oblik i sadržaj pečata udruženja;
- 6) stjecanje i raspolažanje imovinom;
- 7) način donošenja finansijskog izvještaja i izvještaja o radu;
- 8) postupak za donošenje statuta, izmjena i dopuna statuta i drugih općih akata udruženja;
- 9) uvjeti i način učlanjenja, prestanak članstva, kao i prava, dužnosti i odgovornost članova udruženja;
- 10) uvjeti i postupak za pripajanje, razdvajanje, transformaciju ili prestanak rada udruženja;
- 11) javnost rada udruženja;
- 12) pravila za raspodjelu preostale imovine u slučaju prestanka rada udruženja;
- 13) i druga pitanja od značaja za ostvarivanje ciljeva udruženja.

Član 2.

Udruženje "Vijeće/Savjet mladih Brčko distrikta BiH" (u dalnjem tekstu: Vijeće/Savjet mladih) jeste slobodna, dobrovoljna, nestranačka, nevladina i neprofitna omladinska organizacija.

Član 3.

Naziv udruženja je Udruženje "Vijeće/Savjet mladih Brčko distrikta BiH".

Sjedište Udruženje "Vijeće/Savjet Brčko distrikta BiH" je u Brčkom, na adresi: Trg Pravde 18, Brčko.

Udruženje "Vijeće/Savjet Brčko distrikta BiH" ima svojstvo pravnog lica i djeluje na području Brčko distrikta Bosne i Hercegovine.

Udruženje će obavljati registrovanu djelatnost „94.99. Djelatnost ostalih članskih organizacija, d.n.“.

Član 4.

Vijeće/Savjet mladih ima pečat i štambilj.

Pečat Vijeće/Savjeta mladih je okruglog oblika, promjera 50 milimetara, s tekstrom u vanjskom krugu ispisanim latinicom i cirilicom: Udruženje "Vijeće/Savjet mladih Brčko distrikta BiH".

Štambilj Vijeće/Savjeta mladih je pravougaonog oblika, dužine 55 mm i širine 20 mm, s istim tekstrom kao i na pečatu. U donjem dijelu štambilja ostavljen je prostor za upisivanje podataka za prijem i otpremu službenih akata.

Član 5.

Vijeće/Savjet mladih predstavlja i zastupa predsjednik/ca Vijeća/Savjeta mladih. Izabrani/a predsjednik/ca ima mandat na 2 (dvije) godine.

Članovi/ce upravljačkih organa Vijeća/Savjeta mladih Brčko distrikta BiH će odražavati sastav stanovništva Brčko distrikta BiH.

II. CILJEVI I DJELATNOSTI VIJEĆA/SAVJETA MLADIH

Član 6.

- Vijeće/Savjet mladih ima obavezu djelovanja na jačanju uključenja mladih u društveni život zajednice i njihovom informiranju.
- Vijeće/Savjet mladih ima pravo i obavezu legitimno predstavljati i zastupati interes svojih članica.
- Vijeće/Savjet mladih bit će direktno uključeno u proces izrade i provođenja strategija premamladima u Brčko distriktu Bosne i Hercegovine s ciljem doprišenja usvajanju i provođenju politike i strategije prema mladima i programa djelovanja za mlađe koji najviše odgovaraju potrebama i pitanjima mladih.
- Vijeće/Savjet mladih bavit će se provođenjem zajedničkih projekata mladih u Brčko distriktu BiH te članstva i učešća, odnosno predstavljanja pitanja mladih na višem nivou i na međunarodnom planu.
- Vijeće/Savjet mladih bavit će se i politikama koje se posredno dotiču mladih i koje utječu na općirazvoj i prosperitet te opću društvenu dobrobit, kao i svim ostalim pitanjima koja se posredno odnose na mlađe.
- Vijeće/Savjet mladih će delegirati svoje predstavnike/ce u stručna radna tijela i komisije pri Vladi Brčko distrikta Bosne i Hercegovine a tiču se pitanja mladih.
- Vijeće/Savjet mladih će sudjelovati u javnim raspravama i konsultacijama organa vlasti u procesu usvajanja: određene sektorske politike prema mladima, programa djelovanja za mlađe, strategije prema mladima, dijelova budžeta koji se tiču pitanja mladih.
- Vijeće/Savjet mladih kao ni njegove članice ne mogu se ni na koji način angažirati u predizbornoj kampanji političkih stranaka, koalicija i nezavisnih kandidata, niti im pružati podršku.
- Zabranjene su djelatnosti Vijeća/Savjeta mladih koje su usmjerene ka podrivanju ustavnog poretku i koje su u suprotnosti sa Zakonom i Statutom Brčko distrikta BiH.
- Vijeće/Savjet mladih niti njegove članice ne smiju se baviti aktivnostima kojima se na bilo koji način raspiruje govor mržnje, širi netolerancija, ksenofobija ili rasizam, ili vrši diskriminacija bilokoga po bilo kojoj osnovi.

Član 7.

Ciljevi Vijeća/Savjeta mladih jesu:

- jačati uključenja mladih u društveni život zajednice,
- saradnja između Vijeća/Savjeta mladih i institucija vlasti,
- promoviranje rada s mladima i omladinskog rada,
- popularizirati i širiti svijesti o značaju rada sa mladima i pristupu mladima,
- poboljšanje uvjeta života mladih ljudi u Brčko distriktu Bosne i Hercegovine,
- izrada strateških dokumenata i operativnih programa iz oblasti rada sa mladima i omladinskog rada,
- suradnja Vijeća/Savjeta mladih s drugim vijećima mladih, kako na nižim, tako i na na višim nivoima vlasti.

Član 8.

Radi ostvarivanja naprijed navedenih ciljeva Vijeće/Savjet mladih će ostvarivati sljedeće djelatnosti:

- razmjenjuje informacije, iskustva i primjere dobre prakse među članicama,

- neformalno obrazuje svoje članice i druge zainteresirane strane koje se bave pitanjima mlađih,
- izrađuje publikacije radi ostvarivanja ciljeva Vijeća/Savjeta mlađih,
- organizira konferencije, stručne seminare, savjetovanja, predavanja i sl.,
- organizira javne rasprave, izrađuje analize i prijedloge za unaprjeđenje položaja mlađih,
- izrađuje i provodi zajedničke programe, kampanje i javne inicijative članica Vijeća/Savjeta mlađih,
- javno zagovara interese i potrebe mlađih,
- sudjeluje u izradi i provođenju Strategije za mlade Brčko distrikta BiH,
- doprinosi razvoju sporta, kulture, umjetnosti, odgoja, obrazovanja, volontiranja i drugih sfera života od interesa za mlađe, a u skladu sa Zakonom,
- pruža savjetodavnu pomoć članicama i pojedinačnim mlađim ljudima,
- inicira projekte koji će se baviti pitanjima od posebne važnosti za mlađe,
- sudjeluje u javnim raspravama i konsultacijama organa vlasti,
- potiče mlađe ljudi da sudjeluju u razvoju demokratskog društva, naročito kroz odgovorno i samostalno djelovanje, kritičko mišljenje, kao i socijalno i solidarno ponašanje,
- potiče mlađe ljudi na međusobno razumijevanje i spremnost na saradnju u društvu,
- djeluje protiv militarističkih, nacionalističkih, rasističkih i totalitarnih streljenja članica ili pojedinačnih mlađih ljudi,
- potiče cijekupnu lokalnu zajednicu na primjerenu i prilagođenu ponudu aktivnosti iz oblasti rada s mlađima i omladinskom rada,
- sarađuje s neformalnim grupama mlađih, potiče njihov razvoj, te ih uključuje u svoje aktivnosti gdje za to postoje mogućnosti,
- zalaže se za ravnopravnost spolova, društvenu uključenost i jednake mogućnosti za sve mlađe ljudi,
- obavlja druge poslove i zadaće koje su utvrđene propisima iz oblasti rada s mlađima i omladinskog rada.

III. ORGANI VIJEĆA/SAVJETA MLAĐIH

Član 9.

Organ upravljanja Vijeća/Savjeta mlađih su: skupština i upravni odbor.

U svakom od organa upravljanja Vijeća/Savjeta mlađih moraju biti zastupljena oba spola i najmanje 2/3 mlađih osoba. Sve osobe u organima upravljanja moraju biti punoljetne.

Član 10.

Skupština Vijeća/Savjeta mlađih najviši je organ upravljanja.

Skupštinu Vijeća/Savjeta mlađih čine njeni članovi, a to su fizička lica koja su delegirana ispred omladinskih organizacija registrovanih u skladu sa Zakonom o mlađima Brčko distrikta BiH, koje se nalaze u Registru omladinskih organizacija Brčko distrikta BiH. Svaka ova organizacija može delegirati samo po jednog svog predstavnika/ca u Skupštinu Vijeća/Savjeta mlađih. Svaki predstavnik/ca članice ima jedan glas u Skupštini Vijeća/Savjeta mlađih.

Skupština Vijeća/Savjeta mlađih:

- 1) donosi Statut, izmjene i dopune Statuta i druge akte određene Statutom;
- 2) daje saglasnost na pravne radnje preduzete u postupku osnivanja Vijeća/Savjeta mlađih;
- 3) imenuje i opoziva osobu ovlaštenu za zastupanje i predstavljanje Vijeća/Savjeta mlađih, i za Upravni odbor;
- 4) imenuje i opoziva osobe koje predstavljaju Vijeće/Savjet mlađih u različitim radnim grupama i komisijama;
- 5) usvaja izvještaje Upravnog odbora;
- 6) razmatra i usvaja godišnji plan rada Upravnog odbora Vijeća/Savjeta mlađih;

- 7) razmatra prijem novih članica u Vijeće/Savjet mladih;
- 8) odlučuje o prestanku rada i drugim statusnim promjenama;
- 9) odlučuje o formiranju radnih tijela Vijeća/Savjeta mladih;
- 10) pomaže u rješavanju sukoba između članica;
- 11) odlučuje o svim drugim pitanjima koja nisu u nadležnosti nekog drugog organa

Član 11.

Kako bi se Skupština mogla održati, potrebno je da Skupštini prisustvuje više od 50% članova Skupštine, u skladu sa članom 10 ovog Statuta;

Skupština Vijeća/Savjeta mladih odlučuje o svim pitanjima dvotrećinskom većinom prisutnih članova Skupštine izuzev u stavu 3 i 4 člana 11.

Skupština Vijeća/Savjeta mladih odlučuje natpolovičnom većinom članova, pri izboru Predsjednika/ce Skupštine, Predsjednika/ce Upravnog odbora, Tajnika/Sekretara i Dopredsjednika/ce, kao i imenovanjima članova Upravnog odbora.

Skupština odlučuje kvalificiranim dvotrećinskom većinom o usvajanju, izmjenama i dopunama Statuta Vijeća/Savjeta mladih, kao i o statusnim promjenama, pripajanju i prestanku rada.

Glasanje je javno, ako drugačije ne odluči Skupština prije samog glasanja.

Skupština se bira na period od dvije (2) godine.

Skupština je redovna, vanredna i izborna.

O održavanju Skupštine moraju biti obaviješteni svi članovi Vijeća/Savjeta mladih u pisanim oblicima, najkasnije mjesec dana prije njenog održavanja. Dnevni red mora biti dostavljen svim članovima koji su podnijeli zahtjev za članstvo najkasnije sedam (7) dana prije održavanja Skupštine. Članovi su dužni dostaviti prijedloge za dnevni red najkasnije četrnaest (14) dana, a njihovu potvrdu za imenovanje ispred svojih Udruženja mladih najkasnije sedam (7) dana prije održavanja Skupštine.

Redovna Skupština se održava najmanje jedanput godišnje i saziva je predsjednik/ca Skupštine, te kada to zatraži najmanje jedna trećina članova Skupštine.

Vanredna skupština se održava po potrebi, na prijedlog Upravnog odbora ili predsjednika/ce Vijeća/Savjeta mladih ili na prijedlog 1/3 članova Vijeća/Savjeta mladih. Ukoliko predsjednik/ca Vijeća/Savjeta mladih ne zakaže vandrednu Skupštinu u roku od mjesec dana, predlagачi će organizovati vandrednu Skupštinu.

Izborna Skupština se održava jednom u dvije godine. O održavanju Skupštine moraju biti obaviješteni svi članovi Vijeća/Savjeta mladih, kao i njihova Udruženja mladih i to u pisanim oblicima, najkasnije mjesec dana prije njenog održavanja. Dnevni red mora biti dostavljen svim članovima koji su podnijeli zahtjev za članstvo najkasnije sedam (7) dana prije održavanja Skupštine.

Predsjednika/cu Skupštine bira Skupština natpolovičnom većinom na mandat od dvije (2) godine. Predsjednik/ca Skupštine saziva sjednice Skupštine, predsjedava sjednicama i brine se o provođenju odluka koje donosi Skupština.

Predsjednik/ca Skupštine ne može biti član Upravnog odbora Vijeća/Savjeta mladih.

Mandat izabranim članovima Skupštine Vijeća/Savjeta mladih prestaje:

- istekom vremena na koje su birani,
- ostavkom,
- opozivom Udruženja mladih kojeg predstavlja,
- brisanjem Udruženja mladih kojeg predstavlja iz Registra omladinskih organizacija Brčko distrikta BiH
- smrću.

Član 12.

Bliže odredbe o načinu rada Skupštine, glasanja, odlučivanja, upućivanja poziva za sjednice, vođenja zapisnika i drugim pitanjima od značaja za rad Skupštine uređuju se Poslovnikom o radu Skupštine.

Član 13.

Upravni odbor Vijeća/Savjeta mladih broji 5 članova koji se biraju na period od dvije (2) godine, s mogućnošću ponovnog izbora. Svaki član Upravnog odbora ima jedan glas.

Član Upravnog odbora ne mora biti član Skupštine Vijeća/Savjeta mladih.

Član Upravnog odbora ne može biti izabrani zvaničnik.

Upravni odbor sastaje se najmanje jednom u tri mjeseca, na pisani poziv predsjednika/ce Vijeća/Savjeta mladih ili najmanje 50% članova Upravnog odbora. Upravni odbor može održavati sjednice i donositi odluke elektronskim putem.

Upravni odbor donosi odluke 2/3 većinom članova Upravnog odbora. Upravni odbor:

- 1) priprema sjednice Skupštine;
- 2) priprema i predlaže nacrt izmjena Statuta i drugih akata koje donosi Skupština;
- 3) provodi politiku, zaključke i druge odluke koje je donijela Skupština;
- 4) predlaže Skupštini godišnji plan rada Vijeća/Savjeta mladih;
- 5) donosi Poslovnik o radu Upravnog odbora;
- 6) upravlja imovinom Vijeća/Savjeta mladih;
- 7) raspolaže sredstvima Vijeća/Savjeta mladih;
- 8) podnosi godišnje i druge izvještaje o svom radu i finansijske izvještaje Skupštini nausvajanje;
- 9) ostvaruje kontakte i saradnju s organima javne uprave, zakonodavnim vlašću, drugim udruženjima i institucijama, pravnim i fizičkim licima, radi ostvarivanja interesa i potreba Vijeća/Savjeta mladih;
- 10) stara se o primjeni Statuta;
- 11) vodi brigu o zastupanju i predstavljanju Vijeća/Savjeta mladih u različitim radnim grupama i komisijama;
- 12) obavljačava članove i javnost o svom djelovanju;
- 13) obavlja druge poslove određene statutom.

Da bi donosio odluke, potrebno je da sjednicama Upravnog odbora bude prisutno najmanje dvije trećine članova.

Opoziv članovima Upravnog odbora Vijeća/Savjeta mladih nastupa:

- istekom vremena na koje su birani,
- ostavkom,
- opozivom Udruženja mladih kojeg predstavlja,
- brisanjem Udruženja mladih kojeg predstavlja iz Registra omladinskih organizacija Brčko distrikta BiH
- smrću.

Član 14.

Predsjednik/ca Vijeća/Savjeta mladih je predsjednik/ca Upravnog odbora Vijeća/Savjeta mladih. Predsjednika/cu Vijeća/Savjeta mladih bira Skupština iz reda članova Upravnog odbora, na mandat od dvije (2) godine, s mogućnošću ponovnog izbora.

Predsjednik/ca Vijeća/Savjeta mladih ne može biti predstavnik/ca ni član istog Udruženja mladih iz kojeg dolazi predsjednik/ca Skupštine.

Predsjednik/ca Vijeća/Savjeta mladih u vršenju svoje funkcije:

- predstavlja i zastupa Vijeće/Savjet mladih;
- potpisuje opća i pojedinačna akta koje donosi Upravni odbor;
- usklađuje i koordinira rad Vijeća/Savjeta mladih;
- u ime Upravnog odbora podnosi godišnje ili periodične izvještaje o radu i finansijske izvještaje prezentira Skupštini i daje ih na usvajanje;
- priprema materijale za sjednice Upravnog odbora;
- obavlja i druge poslove u skladu sa Zakonom, Statutom i drugim općim aktima Vijeća/Savjeta mladih.

Član 15.

Vijeće/Savjet mladih ima dva dopredsjednika/ce.

Dopredsjednik/ca Vijeća/Savjeta mladih jesu dopredsjednici/ce Upravnog odbora Vijeća/Savjeta mladih. Dopredsjednike/ce Vijeća/Savjeta mladih bira Skupština iz reda članova Upravnog odbora, na mandat od dvije (2) godine, sa mogućnošću ponovnog izbora. U slučaju odsutnosti ili spriječenosti predsjednika/ce Vijeća/Savjeta mladih da obavlja funkciju, zamjenjuje ga neki od dopredsjednika/ca kojeg za to ovlasti predsjednik/ca. Predsjednika/ca Vijeća/Savjeta mladih može neke od svojih nadležnosti prenijeti na nekog od dopredsjednica/ca, osim predstavljanja i zastupanja Vijeća/Savjeta mladih.

Član 16.

Tajnika/cu/Sekretara/ku Vijeća/Savjeta mladih bira Skupština iz reda članova Upravnog odbora, na mandat od dvije (2) godine, s mogućnošću ponovnog izbora.

Tajnik/Sekretar Vijeća/Savjeta mladih je profesionalno lice zaposleno da obavlja stručne poslove koji su potrebni za nesmetano provođenje programskih ciljeva Vijeća/Savjeta mladih. Proceduru izbora i imenovanja osoba iz prethodnog stava odredit će Upravni odbor u skladu sa Zakonom.

Tajnik/Sekretar Vijeća/Savjeta mladih pomaže predsjedniku/ci Skupštine u tehničkom pripremanju sjednica i organiziranju rada Skupštine Vijeća/Savjeta mladih.

Tajnik/Sekretar pomaže predsjedniku/ci Vijeća/Savjeta mladih u pripremanju sjednica Upravnog odbora, te s tim u vezi obavlja sljedeće dužnosti:

- brine se o osiguravanju uvjeta za rad Skupštine, Upravnog odbora i radnih tijela;
- obavlja zadatak čuvara pečata i drugih dokumenata Vijeća/Savjeta mladih;
- zaprima inicijative i prijedloge upućene Vijeću/Savjetu mladih i osigurava dalju obradu;
- odgovoran/na je za pravno-tehničku obradu akata i zaključaka usvojenih na sjednici;
- odgovoran/na je i za obavljanje poslova koje mu nalaže Vijeće/Savjet mladih, te za dostavljanje zaključaka i pitanja nadležnim tijelima i službama;
- vodi zapisnike sa sjednica;
- obavlja i druge poslove određene Statutom.

Mandat tajnika/sekretara Vijeća/Savjeta mladih prestaje:

- istekom vremena na koje je biran/a,
- ostavkom,
- opozivom Udruženja mladih kojeg predstavlja,
- brisanjem Udruženja mladih kojeg predstavlja iz Registra omladinskih organizacija Brčko distrikta BiH
- smrću.

IV. ČLANSTVO U VIJEĆU/SAVJETU MLADIH

Član 17.

Punopravno članstvo u Vijeću/Savjetu mladih mogu zatražiti fizička lica kandidovana isključivo ispred omladinske organizacije registrirane u Brčko distriktu BiH, nakon što podnesu pisani zahtjev Skupštini Vijeća/Savjeta mladih i nakon što budu prihvaćena na sjednici Skupštine.

Predstavnici omladinskih organizacija koji su sudjelovali na Osnivačkoj skupštini Vijeća/Savjeta mladih automatski su članovi Vijeća/Savjeta mladih.

Novi članovi stiču punopravno članstvo nakon završetka tačke dnevnog reda sjednice Skupštine na kojoj su postali članovi.

Pristupanje Vijeću/Savjetu mladih je dobrovoljno.

Skupština Vijeća/Savjeta mladih ne može ograničiti primanje i pristupanje novih članova ukoliko oni ispunjavaju uvjete iz Zakona o mladima Brčko distrikta BiH i Statuta Vijeća/Savjeta mladih i ukoliko ne postoje druge zakonske prepreke.

Član 18.

Član Vijeća/Savjeta mladih može biti isključen iz članstva u Vijeću/Savjetu mladih odlukom Upravnog odbora, ukoliko se utvrdi da po definiciji Zakona o mladima Brčko distrikta BiH

njegovo Udruženje mladih kojeg predstavlja nije više omladinska organizacija u skladu sa Zakonom o mladima, ili ukoliko postupa suprotno ciljevima i Statutu Vijeća/Savjeta mladih, kao i njegovim pravilima rada. Prije donošenja odluke o isključenju član Vijeća/Savjeta mladih mora biti obaviješten o prijedlogu za isključenje, kao i o razlozima zbog kojih se predlaže isključenje. Članu se mora ostaviti rok od 7 dana za izjašnjenje o pokrenutom prijedlogu za isključenje iz Vijeća/Savjeta mladih, kao i za dostavljanje dokaza o ispunjavanju uvjeta za daljnje članstvo. Član koji je isključen iz Vijeća/Savjeta mladih ima rok od mjesec dana da dostavi žalbu Skupštini za odluku koju je donio Upravni odbor.

Član Vijeća/Savjeta mladih može i sam istupiti iz članstva, a u obliku pisanih obavještenja o istupanju predsjedniku/ci Skupštine.

Član koji je isključen ili je sam istupio iz Vijeća/Savjeta mladih može ponovno učlanjenje najranije nakon 6 mjeseci od dana donošenja odluke Skupštine o iščlanjenju.

Član koji je istupio ili je isključen iz Vijeća/Savjeta mladih gubi sva prava koja imaju članovi Vijeća/Savjeta mladih.

Član 19.

Članovi Vijeća/Savjeta mladih imaju sljedeća prava:

- a) birati i biti birane u organe Vijeća/Savjeta mladih,
- b) aktivno sudjelovati u ostvarivanju ciljeva Vijeća/Savjeta mladih,
- c) biti redovno i pravovremeno obavještavane o aktivnostima Vijeća/Savjeta mladih,
- d) sarađivati s ostalim članicama Vijeća/Savjeta mladih,
- e) čuvati i podizati ugled Vijeća/Savjeta mladih,
- f) preko izabranih predstavnika/ca predlagati odluke i sudjelovati u donošenju odluka Vijeća/Savjeta mladih,
- g) ostvarivati druga prava i dužnosti utvrđena ovim statutom i drugim općim aktima Vijeća/Savjetamladih,
- h) istupiti iz Vijeća/Savjeta mladih, u skladu s čl. 19. Statuta.

Članovi Vijeća/Savjeta mladih izabrani u organima Vijeća/Savjeta mladih imaju sljedeće obaveze:

- a) prisustrovati sjednicama Skupštine Vijeća/Savjeta mladih čiji su članovi, te sudjelovati u radu, predlaganju rješenja i odlučivanju;
- b) davati prijedloge u vezi s radom organa Vijeća/Savjeta mladih;
- c) sudjelovati u izradi akata Vijeća/Savjeta mladih;
- d) predlagati inicijative u cilju poboljšanja životnih uvjeta mladih u Brčko distriktu BiH;
- e) sudjelovati u kreiranju i provođenju strategije prema mladima u Brčko distriktu BiH;
- f) redovno i pravovremeno obavještavati Vijeće/Savjet mladih o svom djelovanju;
- g) čuvati ugled Vijeća/Savjeta mladih;
- h) djelovati u skladu s programom i ciljevima Vijeća/Savjeta mladih;
- i) onemogućiti bilo kakvu političku, vjersku, spolnu ili rasnu diskriminaciju i sprječiti favoriziranje bilo kakvih interesa kantonalnih Vijeća/Savjeta mladih ili bilo kakvih pojedinačnih interesa a na štetu mladih u Brčko distriktu BiH;
- j) usmjeravati i usklađivati svoje međusobne odnose u zajedničke interese radi postizanja ciljeva Vijeća/Savjeta mladih u skladu sa Zakonom, Statutom i drugim normativnim aktima;
- k) preko Vijeća/Savjeta mladih ostvarivati kontakte i saradnju s organima uprave, institucijama i drugim subjektima koji mogu doprinijeti poboljšanju položaja mladih;
- l) zagovarati mjere i radnje za poboljšanje položaja mladih na prostoru na kojem Vijeće/Savjet mladih djeluje;
- m) izrađivati i staviti na raspolaganje podatke i izvještaje koje bude tražilo Vijeće/Savjet mladih u cilju promocije Vijeća/Savjeta mladih u javnosti i vođenja statistike;
- n) pridržavati se Statuta Vijeća/Savjeta mladih, zaključaka, odluka i drugih akata Vijeća/Savjeta mladih.

V. STJECANJE I RASPOLAGANJE IMOVINOM

Član 20.

Udruženje može stjecati prihode iz sljedećih izvora:

- a) članarine,
- b) nepovratnih grantova za provođenje projekata,
- c) dobrovoljnih priloga fizičkih i pravnih lica,
- d) pružanjem usluga u skladu s ciljevima Vijeća/Savjeta mladih,
- e) subvencija i ugovora s organima vlasti, javnim institucijama, fizičkim i pravnim licima, domaćim i međunarodnim organizacijama,
- f) drugih izvora u skladu sa Zakonom i Statutom.

Političke stranke ne mogu ni na koji način materijalno i finansijski potpomagati rad Vijeća/Savjeta mladih, kao ni njegovih članica.

O stjecanju prihoda, korištenju imovine i raspolaganju sredstvima Vijeća/Savjeta mladih odlučuje Upravni odbor Vijeća/Savjeta mladih u skladu s ovim statutom i općim aktima Vijeća/Savjeta mladih.

VI. NAČIN UPRAVLJANJA IMOVINOM

Član 21.

Vijeće/Savjet mladih dužno je uredno voditi poslovne knjige u skladu sa Zakonom i sastavljati finansijske izvještaje, saglasno važećim propisima.

Upravni odbor je dužan podnijeti izvještaj o radu i finansijski izvještaj Skupštini. Ukoliko Skupština ne usvoji iste, može opozvati Upravni odbor.

Član 22.

Kontrolu finansijskog poslovanja Vijeća/Savjeta mladih vrši Skupština Vijeća/Savjeta mladih. Osoba koja je ovlaštena potpisivati akte koji se odnose na stjecanje i raspolaganje imovinom Vijeća/Savjeta mladih i finansijsko poslovanje jeste predsjednik/ca Upravnog odbora.

VII. JAVNOST RADA

Član 23.

Rad Vijeća/Savjeta mladih je javan. Javnost rada se ostvaruje:

- a) javnim održavanjem sjednica Skupštine Vijeća/Savjeta mladih i pozivanjem na prisustvo predstavnika/ca organa vlasti i medija,
- b) pravovremenim dostavljanjem izvještaja o radu svojim članicama, organima vlasti, medijima, te drugim zainteresiranim stranama.

Članovi Upravnog odbora Vijeća/Savjeta mladih neće učiniti dostupnim javnosti podatke koji se proglose internim.

Član 24.

Za javnost rada Vijeća/Savjeta mladih brine se Upravni odbor Vijeća/Savjeta mladih.

VIII. STATUT I DRUGI OPĆI AKTI VIJEĆA/SAVJETA MLADIH - IZMJENE I DOPUNE STATUTA

Član 25.

Inicijativu za izmjene i dopune Statuta može podnijeti svaki član Vijeća/Savjeta mladih. Inicijativa se podnosi Upravnom odboru, u pisanim obliku i s odgovarajućim obrazloženjem. Upravni odbor obrađuje i odlučuje da li je inicijativa ispravna i istu priprema i daje na glasanje Skupštini.

Prijedlog za izmjene i dopune Statuta utvrđuje Skupština. Utvrđeni prijedlog dostavlja se Skupštini Vijeća/Savjeta mladih najmanje 14 dana prije dana održavanja sjednice Skupštine.

O izmjenama i dopunama Statuta odlučuje Skupština Vijeća/Savjeta mladih 2/3 većinom, u skladu s čl. 10 Statuta.

Član 26.

Pored Statuta Vijeće/Savjet mladih može donositi i druge opće akte, i to: odluke, pravilnike i poslovnike.

Opći akti Vijeća/Savjeta mladih moraju biti u skladu sa Zakonom i Statutom.

IX. STATUSNE PROMJENE, PRIPAJANJE, RAZDVAJANJE I TRANSFORMIRANJE UDRUŽENJA

Član 27.

Vijeće/Savjet mladih se može udruživati u saveze ili pripojiti, razdvojiti ili transformisati samo u drugo udruženje ili fondaciju.

Vijeće/Savjet mladih može imati svoje organizacione oblike (podružnice, ogranke, klubove i sl.), u skladu sa statutom.

X. PRESTANAK RADA VIJEĆA/SAVJETA MLADIH

Član 28.

Vijeće/Savjet mladih može prestati s radom dobrovoljno ili po sili zakona.

Vijeće/Savjet mladih prestaje s radom ako Skupština Vijeća/Savjeta mladih donese odluku o raspuštanju. Odluka se donosi 2/3 većinom članova Skupštine.

Istovremeno s odlukom o raspuštanju Vijeća/Savjeta mladih, Skupština donosi plan likvidacije Vijeća/Savjeta mladih, kojim se utvrđuje raspored imovine, prava i obaveze Vijeća/Savjeta mladih, u skladu sa Statutom.

U skladu sa Zakonom o udruženjima i fondacijama Brčko distrikta BiH, smatrat će se da je Vijeće/Savjet mladih prestalo djelovati:

- 1) ako je proteklo dvostruko više vremena od vremena utvrđenog Statutom za održavanje Skupštine, a Skupština Vijeća/Savjeta mladih nije održana;
- 2) ako se broj članica Vijeća/Savjeta mladih smanji ispod tri, a Skupština u roku od tri mjeseca od dana nastupanja ove okolnosti ne donese odluku o prijemu novih članica.

XI. PRELAZNE I ZAVRŠNE ODREDBE

Član 29.

Na pitanja koja nisu uređena Statutom primjenjuju se odredbe Zakona o udruženjima i fondacijama Brčko distrikta BiH, kao i Zakona o mladima Brčko distrikta BiH.

Opća akta Vijeća/Savjeta mladih donijet će se u roku od 90 dana od dana usvajanja ovog statuta.

Član 30.

Statut stupa na snagu danom usvajanja na Osnivačkoj skupštini Vijeća/Savjeta mladih, a primjenjivat će se od dana upisa u Registr Osnovnog Suda Brčko distrikta BiH.

Član 31.

Za tumačenje ovog Statuta odgovorna je Skupština Vijeća/Savjeta mladih.

U Brčkom, 19.09.2018. godine

Broj odluke: 03/18

Predsjednik Skupštine